

## 六 融 通

### 伍廷芳博士證道學問答摘要

問、先生素來好研究證道學，敢問其道之由來及其宗旨。

答、此答頗長，願先生耐聽之。

人爲萬物之靈，有理想，能判善惡，能自強自衛，能製百物，巧奪天工，如飛機潛艇，留聲機攝影機，無線電，千里鏡，顯微鏡，無線電話，諸巧物，人可謂靈極矣。至於科學一途，如幾何代數，物理，格致，電，星，光，催眠術，靈子術，長生衛生諸術，無一不盡研究，精益求精，世界中有形有象之物，幾無一不瞭如指掌，而於道德一道，不加考求，神鬼之事，視若無有，甚者至不信乎帝天明聖，後至十九世紀之末，歐洲諸國，間有博學者，見天下有形之物，發洩殆盡，乃轉而向無形中用工，於是始行研究鬼學，西曰 Spiritualism，及諸不明之事，其名曰 Occultism，繹其意謂秘理，當是時，追求者不乏其人，或追明鬼學，而致有闕亡之術，現在英法德美無不

盛行，有或扶鸞而問難決之事，與中國相若，惟是有靈有不靈，故未得人深信，而研究其事者，人亦不寡，專求心理學，如千里傳意之術，西人名曰 *Telepathy*，或注重在人身上之蟄能，西名曰 *Talent Power*，此能有數種：(一)爲意能，即催眠術，可將己之意過人，使受術者不由自主而聽施術者之指揮；(二)爲內意能，此是將己之意施之于內，而不施之于外也，其畧是將己之意存於丹田，使電力充足，能由十指而出，然後以治人疾病；(三)爲醒能，其畧是謂人身內有七關竅：一居頂門，二居後枕，三居背骨，四居尾闕，五居臍下，六居心領，七居眉間，以上諸各關，具有奇能，人不用之，故蟄於人身中，若次序觀之以意，則其諸部自然復醒，而爲其所用，乃用此能以觀無形諸世界及一切未來已往之事，第四種爲太陽能，其略乃每早向太陽收吸其光，依法收入胃中及脾部，久之則身上太陽充足，自然強壯及長生也，第五種爲念能，其略乃靜坐存念慈悲仁愛之心爲入手，久之使心性純善，再加以別種念頭，如其性急者每坐則存性慢性柔之心，久之

其人自得一完全之善性及善品行，已達此之後，再存壯身之念，則身久之而壯耳。其六是神能，其略爲人之神是身之僕，每日每時爲情慾所使，日夜忙碌而不能自安其舍，若能諸念皆息，靜如太虛，則自守舍而能令其人使魂出諸身外，而觀有形無形諸世界也。其法是先放魂離身一二尺則收回，後放三四尺又收回，由近而遠，使之純熟，然後使其遠也。第七是定能，其略是將內脈跳及一切五臟諸運動在己掌握之中，使定卽定，使動卽動，此種定能是用以大定其身使之出舍，成有實能之氣身也。以上七種諸法，是皆科學，多來自東方，惟其中有一二科是西人自出者，各有全科之書。歐美中諸博士多有學之者，前五十年考究秘理諸人中，有一波蘭女子名巴氏者，其人天生聰慧，並善英文，由此得以涉覽諸秘理科學。歐美中自出諸科，經已學就之後，再到印度苦心學其文字言語，文成之後，再行考求印度中及西藏之秘理，既學就之後，知天下諸教本自一原，教主之心本於一善，無非以教人救世爲宗旨，實無端可爭，所不同者在於禮節上而已。

於是天下爲一家合諸教爲一理之心遂萌，惟是雖有是心而無是力，且無人可助，已以成其志，由是往美國，希冀有人之可助己者，惟到美時無一人相識，惟是自知此志，是於天下有大益者，天必有以助之，由此日日出外遊行，借此以識人，忽一日逢一美國退伍將官（柯而覺）法律博士，其人素潛心秘理，精通各教，二人實可稱志同道合，於是交談之下，一見如故，二人同心協力，設法以達其合天下各教爲一家之目的，由是設立證道學會之意起，于是（柯而覺）介紹其諸同志與巴氏逢面，各人亦崇拜巴氏與柯博士學識，於是在一千八百七十五年，始設證道學會於紐約城，其旨如下：（一）合天下各教徒爲一家，無分界域人種階級顏色及信仰；（二）專窮研亞洲文教及理學；（三）窮究天然中不可思議之理及一切人身中蟄然未醒之奇能，其初來者殊衆，惟是美國人多是不信神鬼在物質上實事上用心，此種議論似不合於當時，加以耶穌天主二教人居多，證道學雖宗旨純正，仍每每受其攻擊，且著作又極少，足以申明斯道者，故當時不能

盛行於美國，且 Theosophy（即證道學）一道初時之宗旨與今日之宗旨有多少不同，雖此學於太古時，已有其源，惟至於中古時代，此道方現於歐洲，其始發出此道者，是一瑞士國醫士，僞名（扒喇司勞喇氏），其真名是（崩巴司得氏），其人素好點金術及萬病金丹術，常詆毀當時之醫科，以致國中醫士盡與爲仇，故至棲於窮鄉僻巷之間，改易其名，但由此靜寂冷落之境地，得以研究出火哲學，其畧謂天地大靈實是火，無一不是藉火而生，因火而變體，故上帝在天然世界中兼在其神火之中，故萬物有體必有光，若能明白神火之眞理及世界萬物之變化，則可成聖成仙投胎奪舍也，崩既悟明此理之後，演理於中歐洲，入其門者甚衆，其中英國名士羅拔夫律 Robert Fludd 亦在，然此學乃證道學之始者也，其後至十七世紀之初，證道學說再行於世，其始者名（龐氏），德國祕理家也，業鞋匠，好讀基督教聖經，每有暇時則靜坐寡言，內觀淨慮，淘滌其心，平生著述甚夥，然生時未嘗付剞劂，及死後爲一主顧客人所得見，其理想高超，乃將以出

世從其學者亦甚衆，其中有英國名士二人，一爲（瑪利亞毛氏），一爲德國（威廉氏）。德國大哲學家（克枝勞氏）稱其爲當代之最大哲學家，其學說之大略，謂人有三體，與天帝同，世界萬物皆由真一而出，真一之能像於世界三物，一爲火，二爲光，三爲神，人與天神皆由此火而來，光與仁是天地分入人與神之心中者，若三事去一，則其人先天之生命已去其一，其一去後，即其二不能長耳，故人不能長其生者，是三事不能長存也，三體中止有神體是長存，故有永生之命於死後，如其人在生時心存天帝仁愛如他，若能除清世慮，一心默朝天帝，則天帝能與吾人交通而受其神光火之加增也，龐氏之證道學是純耶教者，此即證道學之發軔後，至巴氏時，始行加入亞洲各教諸秘理而成今日之證道學會，當時巴氏與柯而覺將官二人手創於美國紐約城，惟見不能盛行於美國，乃到印度馬省亞地亞城居住，初到其處，又無事業，况又是一俄國波蘭人，故居停月餘，爲政府所疑，每一出必有偵探尾其後，極其不便，柯而覺乃親與巴氏往見駐印度

之美領事，將其二人由美來印度實欲考求印度文字及諸教，實非政府偵探等事。求美領事代爲交涉，然後英政府方止其偵探。二人於印度馬省時行奇跡，柯而覺行不藥之醫術以治入疾病，不取分文。巴氏代人查無頭緒之事，無不立破，所爲之事，人皆以爲神助。有詰之者，巴氏則謂此種事跡，人人身中具有此螫能，不過隱而不發耳。如能依法醒之，則人皆可爲之。其法是巴氏在西藏時得自其仙師者。據巴氏云，其先師是數百歲之人，乃在世助上天之治人事者，特授學術與彼，使其出以助世教世，止各教之紛爭，証天下各教之道是由一而來，示天下人萬物是由一大生命而來，又示世人實不死，因死實是變體易身，而其靈身實無變易也。巴氏後以此意著成二書，一名天地之秘理，即 *Secret Doctrine* 一名世界之真相，名 *Isis Unveiled* 皆一千餘篇，其內容是以實理及科學證明天地之秘理，發明前人所未發。書成之後，請晏彌秘仙氏 *Annie Besant* 潤詞及校正。因巴氏爲俄人，未敢自信其英文中無沙石也。晏彌秘仙氏校正是二書之後。

親往叩見巴氏，五體投地，求其收爲門下。巴氏允許，乃傳授心法與晏氏，即現在之總會長。著述有百餘本書之多，現七十餘歲，尤精力若少年，每日尙著述至夜深，由晏氏統宗之後，證道學遂大行於世。至一千九百十九年，由英國人名卡德者始傳入中國，此乃證道學之由來也。

(未完)